

Nioqquṭiṣṣaniḱ piṣṣaqartitsiniarnermi qanoq iliuṭṣit pillugit Inatsisartut peqqussutaat

Inatsit Kalaallit Nunaannut atuutoq nr. 469 6. november 1985-imeersoq, nioqquṭiṣṣaniḱ piṣṣaqartitiniarnermut, angallannermut, allakkanik isumaginninnermut il.il. tunngasumi § 3 naapertorlugu tulliiṇiittut aalajangersarneqarput:

§ 1. Piṣṣuṣit immikkut ittut piṣṣutaallutik Kalaallit Nunaanni nioqquṭiṣṣat piṣariaqartut amigaataalersimappata - amigaataalernissalluunniit ilimanarsippat - Naalakkersuisut Inatsisartunit ilalerneqarlutik piṣariaqarsorineqartut annertutigisumik aalajangersassavaat aalajangersakkat Kalaallit Nunaata nioqquṭiṣṣaataasa atugaanerannut agguanneqarnerannut sumiiffissinneqarnerannullu tunngasut.

§ 2. Naalakkersuisut pilersissinnaavaat piṣortaqarfiit § 1 malillugu qanoq iliuṣiṣṣat piviusunngortinniarssaannut piṣariaqartut. Aamma Naalakkersuisut ingerlatsinerup ilai Kalaallit Niuerfiannut kommunenullu isumagisassanngortissinnaavaat.

§ 3. Naalakkersuisut imaluunniit taakkua tamatumunnga piginnaatitaata, piumasarisinnaavaat paasissutissat peqqussutip aalajangersakkallu taanna naapertorlugu suliarineqartut naammassiniarnissaannut piṣariaqartut.

§ 4. Malittarisassiani peqqussut naapertorlugu suliarineqartuni aalajangersarneqarsinnaapput maleruagassiat malittarisassiani maleruagassiarineqartunik unioqquṭitsiṣut pinerluttuliornermut inatsisit malillugit qanoq iliuṣeqarfigineqarnissamut eqqartuunneqarsinnaanerannut tunngasut. Unioqquṭitsinerit mianersuaalliornermik tunngaveqartut tungaasigut taamaallaat maleruagassiat akiliisitaanerillu atorlugit eqqartuunneqarnissamut tunngasut aalajangersarneqarsinnaapput.

Imm. 2. Kinaluunniit paasissutissaniḱ § 3 malillugu imminit piumasarineqartunik piffissaatillugu nalunaarutiginninngitsoq akiliisitaanermik eqqartuunneqarsinnaavoq.

Imm. 3. Unioqquṭitsisoq taassaappat aktieselskabi, anpartsselskabi, piginneqatigiiffik aasigissaalluunniit, taava selskabi taamaalluni taamatut akiliisussanngortinneqarsinnaavoq.

§ 5. Peqqussut atulerpog 1. januar 1986, naatsorsuutigalugu folketingip Kalaallit Nunaannut nioqquṭiṣṣaniḱ pilersuineq, angallanneq, allakkanik ingerlatsineq il. il. inatsit akuersissutigissagaat.

Kalaallit Nunaanni Namminersornerullutik Oqartussat ulloq 8. november 1985.

Jonathan Motzfeldt

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut